



翠屏詩集卷之二

前國子博士門人淮爾石光齊編次

德慶州儒學訓導嗣孫張淮續編

德慶州儒學訓導後學華亭金聲訂定

德慶州判官後學閩泉莊楷校正

五言律詩

題江仲暹聽鶴亭

仙鶴在人世長鳴思遠空有人秋水上倚杖月明中玉樹

三更露銀河萬里風徘徊意無極遲爾出樊籠

送同年江學庭弟學文歸建昌

白髮江夫子青雲信獨稀故人長北望令弟又南歸庭樹

烏先喜江帆鴈共飛東湖春柳色到日上君衣

送王伯純遊錢唐

君去渡江春鶯花著處新湖山有喜氣天壤見斯人殘雪
明松嶺閑雲傍葛巾平生塵外意於此得天真

送侯邦彥自南譙遊建業

君向金陵去雲帆百尺懸杯搖江色裏詩墮菊花前涂水
明秋月鍾山起暮烟鳳臺逢李白一爲問青天

題廣陵姚節婦卷

黃鵠不重適哀鳴常自憐披心當日留面覩黃泉
誰能爾滔々汝獨賢廣陵姚氏傳史館幾時編

題劉君濟青山白雲圖

野性夙所忻青山無垢氛落花一夜雨幽樹滿川雲鹿跡

閑行見松香獨坐聞殷勤招白鶴予亦離人群

九江廟

遺臺上古城劍氣夜崢嶸天地英雄恨春秋父老情蜀崗
來楚盡涂水近江平往事何勞問長陵草自生

春日懷李叔成上舍

今代李公子詩看老杜親江湖留鴈父風雨惱花頻竹屋
燈懸夕柳瓢酒漾春殷勤海子水待汝濯紅塵

夜飲蔣師文齋館

故人相與醉虛愧坐來清月色宛在地鍾聲忽滿城都將
千載意併作異鄉情若買青山得相携歲晚行

題余書庵卷全真

窈過梅花月，點浮栢子烟。人生如寄爾，吾意正翛然。江海
虛舟外，乾坤短褐前。蓬萊清淺日，知子是歸年。

雨中

歷々愁心亂，迢々客夢長。春帆江上雨，曉鏡髮邊霜。啼鳥
雲山靜，落花溪水香。家人亦念我，與爾黯相望。

崇德道中

煖日菜花稠，晴風麥穗抽。客心雙去翼，詩夢一扁舟。廢塔
巢蒼鶴，長波滌白鷗。吳山明月到，惻愴十年遊。

浙江

山從天目下，潮到富陽迴。此地扁舟去，吾生幾度來。林紅
晚日落，江白雨雲開。明旦須停棹，呼兒看釣臺。

過龍游

鷓首見龍游，群山翠浪流。陽坡眠白犢，陰洞鎖蒼虬。樹密
雲藏屋，灘長石齒舟。呼兒具尊酒，聽客說杭州。

宿壽巖

昔者屯兵處，旣聞此地分。清時無寇盜，比屋樂耕耘。澗響
不知雨，山高都是雲。明朝見親舍，一笑慰辛勤。

贈別同年何詹成

十載髮俱白，故人心尚丹。中年知舊少，遠道別離難。我欲
扁舟去，君留寶劍看。酒酣望滄海，碣石在波瀾。

送徐君美之六合縣尹

山縣棠梨樹，題詩動憶君。尊前俱白髮，馬首又青雲。春郭

千花合秋庭一鶴聞公餘好心事令子已能文

長蘆寺

達磨來東土茲峰天下聞樓明涂水月鍾度蔣山雲梵吳
江龍出僧齋野鶴分一帆風力便吾欲謁神君

建業清涼寺次王伯循御史竹亭壁間韻

獨尋清涼寺還望翠微亭客散竹間月僧閑松下經江聲
迴近浦野色到虛庭白髮山中叟爲予詩眼青

題吳恭清茂軒

幽尚謝塵牽吳生獨爾賢風泉欹枕外春樹讀書邊舊隱
懷盤谷新圖出輞川詩僧來往數好句賸能傳

題曹子益可竹亭

竹西清絕處三逕萬琅玕晝枕翠濤響暮衣青雨寒登君
好亭子回首憶江干嗜酒那無此吾今欲掛冠

泊戚家堰遇風夜雷雨

高浪出魚龍舟師急捲蓬雷聲過雲雨月暈斷河風野濶
人家外濤喧客枕中坐來搔短髮惆悵大江東

題青山白雲圖

白雲江上頭憶着昔曾遊睡起青山雨坐來紅葉秋深苔
依逕濕寒磬出林幽亦有高樓者無因見鹿裘

途中次子烜韻

日出河隄平春來柳眼醒剡姬天下白遼隼海東青浪起
層層雪沙明點點星片帆風力健予欲運南溟

微官與志違。空負聖明時。對酒懷彭澤。題詩愧漢陂。遙天
和樹盡。斷岸逐舟移。楊柳黃金色。隨春入硯池。

舒嘯軒

幽居蒼竹林。永嘯白雲岑。自吐虹蜺氣。人聞鸞鳳音。野烟
喬木晚。江雨落花深。亦有東臯興。何當一抱琴。

至直沽

野灤天低水人家。時兩三鴈聲連漠北。魚味勝江南。雪擁
蘆芽短。寒禁柳眼緘。持竿吾欲往。拙宦白何堪。

夜久

夜久未能寐。春來空復情。遠沙爭月色。柔櫓助河聲。更枕
荒鷄到。漁歌宿鳥驚。隣舟燈火亂。早起又詩成。

舟中見雨

今夜初聽雨。江南杜若青。功名何處葬。兄弟總彫零。遠夢
愁胡蝶。深情愧春令。撫孤終有意。身世尚流萍。

江干

江干望不極。樓閣影繽紛。水氣多爲雨。人烟遠是雲。予生
何濩落。客路轉辛勤。楊柳牽愁思。和春上翠裙。

淮安寄同年伯牙原卿

不見原卿久。題詩白髮催。人文望公等。天意老英才。柳色
長淮早。潮聲滿浦回。菊花寒鴈過。憶共故人盃。

送僧南歸

兵塵猶瀕洞。僧舍亦徵求。師向江南去。予方轂下留。風霜

兩足白宇宙一身浮歸及梅花發題詩寄龍頭

次李參政省中獨坐韻時在翰苑

畫省晝岑寂坐來風葉鳴雨晴鳩鵲觀秋滿鳳凰城許國
丹心在懷鄉白髮生所慚無寸補載筆直承明

次韻全上

白髮懷閩嶠丹心戀薊門官閑勝道院宅遠類荒村二月
霜華薄群山雨氣昏東菑春事及好共野人論

題山水圖

山水坐來見脩然無俗氛碧岩虛夜月江樹靜秋雲鳥影
似猶見猿聲疑或聞自憐歸未許遙憶武夷君

用烜韻呈王趙二明府

二妙驚聯壁雙飛垂近天不懸高士榻許上孝廉船談劇
常絕倒情真任醉眠殷勤御河月相送大江前

憶黃子約

天台黃石老茅屋冷如水消息經年斷交游往日曾世人
憐李白今我愧孫登駿骨篇應在何時復剪燈

董子廟

董子天人策寨四百年臨風一懷古此地昔生賢白日
明肝膽青山闕簡編公孫東閣客今復幾人傳

二月十五日舟中見柳始青

宛：繁隄水淙：逆浪船清晨風已轉今夜月初圓歸客
春多夢舟人早懶牽無端楊柳色青入柂樓前

荆門閣

車到荆門上舟移鉅野中
河聲來汶濟山色見龜蒙
楊柳烟深淺杏花春白紅
人家桑棗外猶是古人風

宿遷縣

今朝宿遷縣風急棹難停
樹合藏深屋河移出遠汀
山容雲冉冉水影日冥冥
柳色無南北春來不斷青

宿泛水

寶應南邊宿逆風舟子勞
空村防鼠竊不寐聽雞號
月黑平湖白天低遠樹高
家山來枕上夜起首頻搔

別王子懋趙德明

御河船上月相送到揚州
共飲忽爲別獨吟方覺愁
水花

茗渚晚雲樹浙江稠歸鴈長
淮早栽詩寄與不

過常州

昔日延陵地城基麥秀間
兵戈三戶少生齒百年還
畫壁曾同看求田惜未開
故人盧可及宿草在何山

近無錫道中

疊橋隨港直聯木護堤偏
村落皆通水人家半繫船
橋花香曙露楊葉淡寒烟
中土何寥廓黃沙入種田

別忻都舜俞用烜韻四四氏能詩

日出嘉興郭楊花蕩白波
船頭將酒別客裏柰春何
西極驛騶遠南湖鴻鴈多
清朝詩道盛期子被絃歌

過桐廬

絕愛桐廬水潮回綠滿溪海風吹雨去山日傍雲低涉世
心猶壯思家夢欲迷獨慚老萊子白髮尚兒啼

夜泊東閩

泊舟新安口月出溪南峯紅燈照翠堵綠水開夫容李白
題詩處何人繼其蹤我欲學長笛幽壑舞魚龍

舟中

嘆息舟人婦哀音此日來死生誰料得貧賤益堪哀去棹
從渠駐歸心未忍催春江昨夜雨花落滿蒼苔

過蘭溪

昔過蘭溪上秋風把酒盃重來人事異獨立客心哀沙合
灘聲轉帆移塔影來赤松山色近佇望意徘徊

泊湖頭水長

客路春將晚征帆日又曛深山昨夜雨流水滿溪雲渡黑
漁舟集村空戍鼓聞故園頻夢去植杖已堪耘

雨發常山

僕夫趣予起初日出林間既雨蹤橫水無雲遠近山馬嘶
芳草去燕語落花開且喜邊陲定長逢戍卒還

宿烏石

青山烏石名偶似越王城嵐撲單衣重溪搖倦枕驚燃松
添酒酌題竹記詩成明發聞關路青雲趁足生

分水鋪道中

長憶閩中路今朝馬首東山高雲易雨谷響水多風蝶抱

落花片鳥啼深竹叢功名一畫餅身世獨飛蓬

宿黃亭明日四月一日夏至

施檐沾紅酒開窗挹翠微故廬何日到野店送春歸雉起

麥花落蚕登桑葉稀田園有真趣歲晏莫相違庚辰年五月言律止世

安南即景此一首洪武二年在安南作

龍水南邊去行穿萬竹林羊腸山險盡蝸角地蟠深樹柱
二年恨星槎萬里心朝來晴好景綠樹響春禽

五言長律

送陳子山狀元之太廟署令

紫殿傳臚日君名第一人星辰金榜動雨露錦袍新華蓋
天常近蓬萊地益親北門方眷切東觀又恩頻麟筆三朝
史龍顏一咲春昕庭頒渙號太室奉明裡列聖羅冠冕群
公肅縉紳喬雲垂柳重祥霽幕芝勻獻賦看來歲登瀛及
此辰風帆開巨浪霜翻上秋旻文價何輝赫臺端即選掄
故人如見問白髮尚漳濱

送三人傑都事開詔福建

曩客東泉老相逢蓋屢傾劇談消鄙吝高誼動幽明我素
金門隱君歸錦里耕五年才一見萬里又重行故老扶藜

拜元戎負劔迎江環螺女浦山盡粵王城麥飯先塋感
羹故國情自憐何日去曝背憇柴荆環一作深非

送杜德夫河東經歷

持斧山西去參謀用俊人栖烏臺上掾泛綠幕中賓霜落
豺狼魄風清鴈鷺塵君行當要地此別屬良晨塞遠雲來
代川長樹入秦兩河猶戍卒三晉半殘民峻坂疲飛輓窮
閭苦筭縉鴻飢方欲集鷹飽正須馴久矣瘡痍極居然風
采新難兄今閣老宿望舊廷臣棠樹期連萼蒲萄少飲醇
乘驄消息好拜命及三春

次韻鄭蘭玉有一竿亭

一竿亭上客大隱寄高軒世德榮珂里風期邁漆園朝廷

深簡注江漢壯藩垣祀宅今王粲藏書舊李繁市聲隔
薄野趣似遙村宛小山迎坐迤水到門風鳴松頂鶴雨
掛竹枝猗芳薜牽崇雷圓荷點小盆弄泉醒酒面掃石健
詩魂邈矣蠶塵表居然太古存長鯨冬已戮飢鴈夜猶喧
石署須綱紀蘭臺待討論白雲巢未得鵬路佇飛鶩

賀禮部王尚書本中二十韻

孤竹先賢國三槐故相庭恭惟我文肅藉甚古儀刑金掌
新卿月銀槎舊客星青箱傳遠大綵筆動精靈右掖何清
切中朝重委令判題花粲嘽嘽味竹冷々宗伯司周典尚
書管漢庭地華人更妙名盛德惟馨斗運天喉舌雲飛雪
羽翎趨朝群駿裊開宴萬娉婷舞豔圓珠袖歌長簇錦屏

素荷元映紫簡竹。要垂青知貢春題榜。焚香畫鎖廳爲公。
植桃李報國。蓄參苓丹宸更新詔。蒼生望永寧。芝泥看鳳
下。薇閣待鸞停。傳說升調鼎。匡衡奏引經。即應清海岱。還
復禪云亭。自哂依清樾。猶慙泛梗萍。早飛惟短翅。終願附
青冥。

送館主朝憲使之淮西四十韻

宇宙開昌運。山川產蓋臣。周邦多士貴。魯國一儒真。江海
襟無際。風雷筆有神。淵涵珠皎潔。山立玉嶙峋。剗切三千
牘。飛揚四十春。粵從遊輦轂。早已冠成均。泮水開重席。中
書擢薦紳。贊戎淮甸左。參憲粵天垠。南紀孤飛隼。中臺一
角麟。太聲搖列岳。爽氣動高旻。出使方廉察。爲郎已選倫。

治邦用輕典。大禮佐宗禋。筵立清班峻。荷香紫橐新。瓊林
無橫賦。肺石絕冤民。臺省流榮屢。朝廷注意頻。庸田俱利
導。在野不嘯呻。全浙推崇劇。雄藩藉拊循。申侯仍作翰。召
伯復來旬。海舶回諸國。星軺出八閩。層城狐一掃。絕島獸
皆馴。冰蘂俱吾素。珠犀鉅爾珍。綉衣才受芥。芝檢又頒綸。
雲近蓬萊殿。河澄析木津。紫垣依日月。黃道上星辰。鼎鉉
須賢佐。綱維借舊人。飛霜迎玉節。沛雨逐朱輪。包尹祠堂
外。張公水廟濱。楚峰涼浸露。淝浪淨無塵。秉筆應多暇。題
詩必絕倫。列城俄鎮靜。六轡更咨詢。晚節看黃菊。清秋倚
碧筠。公心思綠野。帝命簡彤宸。昔者開科選。先公贊國鈞。
文風今有賴。盛德豈無因。骨相宵人薄。心期令弟親。同年

俱踔厲此日獨沉淪戀主肝猶赤思親髮似銀十年長自
苦孤志若為伸豈意長淮客叨陪翹館賓銘心感知已報
德願終身

挽友人

令弟書來日凄其憶故人每懷將酒別不得寄詩頻萬里
高門舊湖山別墅新一種真獨冷萬卷鉅全貧豈不雲霄
志其如電露身迨々長夢寐漠々尚風塵池館餘花晚山
阡宿草春自憐何日去望遠一沾巾

七言律詩

丁卯會試院中次諸友韻

欲向青雲易白衫區々別却借燈籠方知取貴憑文字可
信封侯只咲談直擬橫空輕似鷲莫爲作爾若如蚕不知
慶戰三千士他日何人步斗南

踪跡飄蓬西復東共來折桂向蟾宮雲烟滿紙文裁錦是
斗羅胃氣吐虹禮樂興隆千載後人材涵養百年中立文
正擬公輸子共喜無私別衆工

長蘆渡江往金陵

春日三竿上翠屏曉風五兩下蘆汀水兼天去無邊白
過江來不斷青沙驚潮迴平鴈跡海門雨至帶龍腥昇平

不復後庭曲睡起漁歌爛熳聽

喜丁仲容徵君至

題詩苦憶城南郭喜見歸來鶴姓丁雙鬢野風吹淡白一
燈江雨向人青志士長嗟靈壽杖史官獨失少微星瓊花
照眼春無賴明日的君雙玉瓶

送帖僉憲赴山北

大寧城郭枕江雄前代豪華在眼中山外貌貅閑夜月海
東鷹隼待秋風天圍松嶺雲垂幙霜下金源水若空益訪
民風上天子忽忘家世是元功

送完者僉憲赴江東

公家世踐台階上江國新瞻使節來一雨洗寬行列郡諸

星執法近崇臺山川尚似玄暉賦父老皆憐李白才宛水
敬亭如歷遍喬雲高處是蓬萊

送馬仲達秋試

杯酒秦淮初識子虬髯玉面氣如虹揚州杜牧詩偏好梁
苑相如賦最工翠濕帆前揚葉雨香飄衣上桂花風送行
已有金臺句雙闕春雲五色中

題劉商觀奕圖

松風冉冉羽衣輕石上談碁咲語清樵客豈知人世換山
童遙指海塵生碧桃落盡又春去白鶴歸來空月明一着
山中猶未了人間流落不勝情

題廣陵李使君園

最愛燕山李使君名園草木有清芬竹光夕度淮南月松
色秋連海上雲九日登臨來此地百年忠厚見斯文酒闌
懷我幽棲處松樹蒼蒼猿夜聞

題信州戈陽周竹窓嘉竹圖

戈水徵君周竹窓傳家累葉尚敦龐高門即見朱輪十瑞
節先看碧玉雙翠鳳並巢依積雪蒼龍分影照清江徐公
對此尤能賦予欲東遊共酒缸

九日與王伯純登蜀崗

帝子樓前紫翠分廣陵秋色起氤氳泉涵巴蜀千年月樹
入荆吳萬里雲宋玉登臨仍送客魏牟流落豈忘君明年
五岳予真往子有音書當遠聞

丙寅鄉貢同寧德黃君澤韓君瑕林鶴山登幔亭
峰今十五年矣賦此併懷黃子肅同年

憶共故人携手地幔亭絕頂賦遊仙鵬飛起處三千里鶴
到歸時十五年澄潭月上金雞響古洞泉流玉幅懸為報
樵溪黃石老幽期長在白雲篇

次李宗烈韻

倒着烏紗醉幾回白鷗門外莫相猜浮生萬古有萬古濁
酒一杯復一杯棕葉響交風色異萱花飛滿雨聲來青燈
獨似兒時好一卷遺書自闔開

坐來落葉兩三聲野菊開時雨滿城作客愁多仍歲晚還
家夢遠易天明古時豪傑有遺恨秋日溪山無俗情君可

歸歟吾未得百年懷抱向誰傾

次李宗烈見贈韻

秋風同是天涯客獨對黃花酒屢餘報主力微憐老驥念
親心在愧慈鴉故人漸少逢君晚新句能多對客誇每見
詩來歡喜極却愁吟罷轉思家

題清隱圖

清隱山人行地仙尋雲獨往不知年鶴翻松子驚碁局
臨蕩蘆花逐釣船題句霜乾粘落葉煮茶月靜擲新泉壘中
汗馬多如雨一度看圖一惘然

橫陽草堂次謝疊山韻

迤邐中州二水回參差傑閣五雲開銀鈎透壁詩人去鐵

笛裂岩仙客來竹度蟬風涼白恰松翻鶴露瀉清杯何時
夜半梅花月溪上吟蓬帶雪推

秋登九江廟晚眺

黃花開後葉初霜紫鱗肥時酒滿缸羈旅已知浮世淡登
臨未覺壯心降天垂去鳥低平楚水學驚蛇到大江目極
孤雲鄉思亂烟波空想白鷗雙

題安可父山水之間卷

大隱淮南思小山班荆樹下聽潺湲林泉自古亦云好魚
鳥何時相與閑龍出夏金滄海上鶴馴喚鐵白雲間是誰
手種三花樹獨往玄洲勘大還

巖手陵鈎臺

故人已乘赤龍去君獨羊裘釣月明魯國高名懸宇宙
家小吏待公卿天回御榻星辰動人去空臺山水清我欲
長竿數千尺坐來東海看潮生

夜泊獨柳次韻王尹子懋

霽月中天見絳河黃流滿地漾金波荒陂野火兼漁火短
棹吳歌雜楚歌去鴈已連家信杳閑鷗豈識客愁多江南
二月花如海獨負歸期奈爾何

維一作和已作竟閑
作眠豈作未皆誤

送僧遊杭

銅駝夜泣苔花冷銀鴈秋飛寶氣消曾共殘僧披舊跡尚
憐故老話前朝衲隨猿掛雲生樹杯趁鷗還月上潮師去
新詩如見寄白沙翠篠赤關橋

高柳

長陂雲氣滿淮東下隱蛟龍萬仞宮湖岸樓臺連海上水
田杭稻似吳中古藤酒醒春風在甕社珠寒夜月空四海
昇平須進酒賣魚柳畔見南翁

南一作漁

次王伯純韻并序

飲石室山房醉卧夜五鼓雞始鳴明星出未高伯純
秉燭携詩來行簡孫君擁被起和之相視一笑亦入
間奇事也翠屏山人張吕寧亦復倚和共一笑云

草亭夜靜三人飲起視乾坤醉眼昏鶴警露光懸竹葉烏
啼月色滿柴門抽毫昔對蓬萊殿秉燭曾遊桃李園天際
形容今漸老尊前懷抱向誰論

題劉士行石林茅屋

瀟洒劉郎意絕奇，林西更好小堂基。
石間青竹盡秋色，屋上白茅猶古姿。
野雀巢簷群就食，山精倚樹慣聽詩。
東屯行處蒼苔滿，有客天涯獨夢思。

次韻荅茅壺山

乾坤納、知音少，歲月悠、行路難。
老我南山，仍射虎何人東海，與持竿。
風前薜荔秋衣薄，露下芙蓉古劍寒。
欲借茅亭無限月，携詩滿意爲君看。

題安仲華秀實卷

我有石田南澗潯，十年不歸秋草深。
羨君市隱少塵事，教子筆研多古心。
夜露上花垂白玉，秋風吹穗卷黃金。
由來隴畝真足樂，何自細聽梁父吟。

隴畝真足樂，何自細聽梁父吟。

題石生仲瀛所藏李克孝竹木

息齋之孫李公子，盡將幽意入經營。
脩篁石上生雲氣，古木山中作雨聲。
年來好畫不忍見，歲晏故園空復情。
烏巾掛在長松樹，吾欲巢居逃姓名。

登閩閩

獨步青雲最上梯，八閩如井眼中低。
泉鳴萬鼓動哀壑，山飲雙虹垂遠溪。
家近尚無鴻雁信，客愁復有鷓鴣啼。
書生未老踈狂意，更欲崑崙散馬蹄。

藥家店 廣陵

睡起秋懷入倚闌，蟋蟀啼雨豆花寒。
途窮俗眼尋常白，宦

拙臣心一寸丹平子四愁詩最苦休文多病帶頻寬吾親
已老身仍繫寫就家書閣淚看

廣陵岳廟登瀛橋同成居竹賦

橋下波光綠染苔橋前岳色翠成堆鶴歸華表空中語鰲
負神洲海上來瓊佩曉趨雲路響琪花秋傍石闌開唐家
學士今何在勸爾仙人酒一杯

常山縣

喜近閩山南去路樓臺兩岸水迢迢不知曉店三竿日猶
夢春江半夜潮吏少縣庭常閒寂戍還驛舍尚蕭條平安
寫就無人寄家在溪南第一橋

次同年李子威御史韻

呈康魯瞻參憲

日麗鉤陳薄霧消升平有象見熙朝堯疇雲擁千官仗楚
分星出兩使輶車起青旻霜拂地鴻飛紫海月當霄仙舟
此日登瀛近春水花光已動搖

昔陪飛鞚杏園塵一落漳濱十見春懶問榮枯煩日者茲
憐寂寞向時人一驄獨頽蓬門靜雙鯉能傳藻句新昨夜
東風過淮水柳眉從此不須顰

題唐明府畫馮隱士像

能詩能畫唐明府置子清泉白石間秋色半林黃葉老野
心一片白雲閑王維自愛歌湖道李渤元居少室山幾處
溪山莫歸醉扁舟留在月中還

送葉景山掾史赴都

海上青山僊者家飄飄雜佩上飛霞牧之舊重淮南幕博
望今隨斗北嵯黃道夜平星合璧紫臺秋冷雪成花君行
正及觀光便五色雲中望帝車

九日登蜀崗次王伯純韻

蜀岡、頭秋滿天醉舞黃花落酒船一水白來飛鳥外數
峰青立遠帆前梵王宮殿金銀合帝子樓臺錦綉連獨客
登臨無限意微紅塔杪夕陽懸

送崔士謙侍親還嶧縣

剡中李白題詩處我昔因之訪隱君天姥樹低山似渚曹
娥潮上水如雲懷人夜雪孤舟遠送子秋風一鴈聞捧檄
高堂須一啖白魚青笋漸紛紛

題遠遊卷

為君歌徹遠遊篇八極秋高神凜然禹穴出雲藜杖外軒
臺飛雪酒杯前昔人不見牛馬走世俗寧知龜鶴年子去
遙憐滄海上春來夢遶紫芝田

題臨川王與可拂雲亭

桐岡、前讀書處虞公為賦拂雲詩鳳來明月星河近龍
起曾陰雷雨垂終見汗青傳琬琰時聞雜佩和填篋南歸
定作亭中客蒼雪風吹落酒卮

送思齊賢調浙東掾

浙水東邊幙府開扶桑朝景拖高臺熊旗虎節層霄下龍
戶緹人絕島來碧海清時稀警報金天爽氣盛文材君行

長咲金鰲頂須有聲名徹上台

次隨太守劉侯素軒韻

黃柳鶯啼驚早春白沙羈客又淹旬喜逢鄴下劉公幹曾
識山陰賀季真漠漠林峦開雪色欣欣草木荷天仁漢庭
詞賦皆揚馬薄技何因奏下塵

送李遜學獻書北上所藏父書

恭惟聖代開東觀詔選諸儒會石渠金匱已抽司馬史牙
籤猶藉鄴侯書獻芹耿耿心期在汗竹依依手澤餘從此
墨莊淮左盛漢庭卜式意何如

寄題琵琶亭

洲前亭子赤闌干白傳唐時此謫官渚花留客醉秋晚江

月向人啼夜闌湓浦波濤三峽外長安城闕五雲端酒醒
忽記東林路鐘磬瀟條暮雨寒

送姜知事湖廣掾

燕省恭聞吉語來芙蓉幄下莫徘徊詩題即署星辰動檄
到亦溪霧雨開鄂渚暮濤喧鼓角漢陽高樹出樓臺飛騰
此日中天近定有文章徹上台

寄廣西叅政劉允中

重臣授鉞殿南邦五月旌旗過上江青帶碧簪環畫省綠
沉金鎖護油幢峒丁萬笠春畊野海估千舩曉渡瀧銅柱
南邊相憶以人書難寄鯉魚雙

初日次人韻

長咲金鰲頂須有聲名徹上台

次隨太守劉侯素軒韻

黃柳鶯啼驚早春白沙羈客又淹旬喜逢鄴下劉公幹曾
識山陰賀季真漠漠林峦開雪色欣欣草木荷天仁漢庭
詞賦皆揚馬薄技何因奏下塵

送李遜學獻書北上所藏父書

恭惟聖代開東觀詔選諸儒會石渠金匱已抽司馬史牙
籤猶藉鄴侯書獻芹耿耿心期在汗竹依依手澤餘從此
墨莊淮左盛漢庭卜式意何如

寄題琵琶亭

洲前亭子赤闌干白傳唐時此謫官渚花留客醉秋晚江

油幢峒
憶處尺書
初度日

月向人啼夜闌湓浦波濤三峽外長安城闕五雲端酒醒
忽記東林路鐘磬瀟條暮雨寒

送姜知事湖廣掾

燕省恭聞吉語來芙蓉幄下莫徘徊詩題即署星辰動檄
到亦溪霧雨開鄂渚暮濤喧鼓角漢陽高樹出樓臺飛騰
此日中天近定有文章徹上台

寄廣西叅政劉允中

重臣授鉞殿南邦五月旌旗過上江青帶碧簪環畫省綠
沉金鎖護油峒丁萬笠春畊野海估千舩曉渡瀧銅柱
南邊相憶以人書難寄鯉魚雙

初日次人韻

垂孤風志 生朝濫點鵷行從百寮風雪十年雙鬢短山
川萬里一 君如黃鵠方高舉我匪蒼松愧後彫已矣
劬勞嗟莫報 持貞白奉清朝

題采石娥眉亭

姮娥霜鬢未摧顏李白騎鯨更不回異代登臨悲賦客百
年淪落憶雄才江雲白鳥飛盡山日蒼猿嘯哀欲起
錦袍吹玉笛爲駐江浪入金盃

送劉素軒作守

使君持節西南去漢水東邊十萬家每與儒生陳俎豆閑
隨野老問桑麻雙旌曉出千原雨五馬春行幾縣花看舊
只今能有幾一麾莫道遠京華

送劉子昭歸杭省親

白魚青筴江南好君去湖山知幾重潮長河船四五尺鳥
啼門巷两三松咲予霜點秋來鬢極目雲飛海上峯已把
行藏付漁釣尚煩書信到踈慵

答張約中見問

衰遲久讓祖生鞭寂寞猶存鄭老羶金馬隱來人豈識亦
雞老去我方全坐移棠樹庭前日夢到榴花洞裏元多謝
故人勞遠問濫竽博士又三年 竽一作巾

儀真范氏義門

澆風久矣變淳源范氏猶稱古義門四世於今千指盛十
年似爾幾家存棠華燁燁宜兄弟竹筴攢攢長子孫故里

相從何日逐秋風江上戰塵昏

南窓竹影

錦闌花艷不思春翠袖輕寒寫更真湘浦雲中逢帝子天
壇月裏見仙人露痕稍小疑將滴風動差小覺未勻最喜
高人王禮部烏絲臨出越精神

太平太傅致仕

明公先葉國元功兩正台衡保始終喬木世家今絕少黃
華晚節古應同平泉草木風烟外杜曲桑麻雨露中從此
昇平歌帝力爲農祗願歲長豐

次韻夜宿雙清亭

海子橋邊絲雨晴水衡亭下縠波生珠宮墜月醒龍夢

島迴風送鶴聲細數更籌憐夜永還瞻宸極願時清左丞
絲筆題詩好紙貴明朝滿鳳城

元日早朝次馬彥輔學士韻二首

雞竿紅日出晴霄鷺序青春入早朝治典新懸周象魏頌
聲盡入舜簫韶稱觴冢宰容多喜執玉藩侯禮不驕今代
總戎功業盛承恩皆挿侍中貂
玉堂學士步青霄金榜英名重聖朝身近清光依帝座手
裁妙曲和仙韶柳溝黃動鶯先喜麥苑青回雉漸驕新歲
時平詞館好客來呼酒費金貂

次李左司明舉看田朱家空韻

願豐亭前春事深清時休日此幽尋長思相覓飲君酒亦

欲即歸投我簪三月風光開卷畫百年交好契磁針明晨
擬看功成去膺蟻開尊滿共酌

和周子英進講詩韻

宣文閣下仗初移講徹雞人報午時風細芸香飄紫殿日
高花影覆彤墀儒臣有戒陳忠盡聖主無爲寶儉慈薇幙
上賓工補袞垂紳早入鳳凰池

次韻春日見寄

金水河邊一遇君眼中天馬欲空群姓名未接心先熟笑
語纔濃手遽分調古今難和白雪才高昔有附青雲薰爐
茗椀何時共細與論文到夕曛

和劉公藝暮春有感韻

醉夢還家醒未歸起尋墜萼情流輝靜聞白蟻如牛闐閑
看青虫化蝶飛日轉漸長添篆縷雨來忽冷覓羅衣却思
翠竹清溪路曛黑兒童候竹扉

耻向清時泣楚囚長尋佳句擬揚休碧雲千里隔春信紅
雨一簾生晚愁袖手獨應憐郢斲知心誰爲和商謳卜隣
幸識劉公幹新得詩聲滿壁流

臘月夢還家侍親

喜著萊衣侍越吟覺來猶未脫朝簪五更霜月到家夢十
載風塵爲客心山遠柿歸啼更苦海乾精衛恨猶深幾時
萬斛潺湲淚尽洒墳前柏樹林

次韻感懷清明并自述二首

雪落西樓虎浦村，鬢髭變白赤心存。徒薪肯信當時策，負
米徒傷此日魂。啼老杜鵑山月苦，歸遲遼鶴海雲昏。早知
只學東方朔，避世長依金馬門。

翠屏峯前溪上村，萬家兵後幾人存。十年上塚阻歸興，五
夜還家勞夢魂。燕蹴柳花風細，鳥啼松葉雨昏。何時
步屨青蕪路，月上山童候筆門。

桃源春曉圖

溪上桃花無數開，花間春水綠於苔。不因漁艇尋源入，爭
識仙家避世來。翠雨流雲連玉洞，丹霞抱日護瑤臺。幔亭
亦有虹橋約，問我京華幾日回。

題山水圖次張悅翁韻

粵王山前雲出門，疊嶂層峰萬馬屯。龍過怒濤翻石壁，鴈
迴飛雨暗江村。泉頭洗藥流花片，松上題詩濕蘚痕。長記
釣船歸得晚潮平，沙白月黃春。

題東坡淮口山圖

曾遊淮縣佩青綸，飽看東南第一山。煙雨十年詩夢外，風
塵萬感畫圖間。斜陽應照客愁滿，去鳥尚如人意閑。遙想
月明春樹綠，蘇仙長化鶴飛還。

追和揚仲弘饒州東湖四景詩上本齋王叅政

梅花吹暖透重闌，紫馬朝遨湖上春。嵐影盡兼雲影濕，漲
痕猶帶雪痕新。高人下榻來江表，神女鳴璫過漢濱。爲問
崇陰今盛否，君侯遺愛在畚民。

番君國裏水雲多
雨歇黃梅漲碧波
錦纜驚鷗穿弱柳
銀盤簇鱸裹新荷
佳人狎坐傳觴令
上客豪吟相棹歌
小苑風流今有繼
新詩樂石待重磨

使君曉命木蘭舟
霽雨湖光碧玉秋
樂妓並歌翻小海
詩仙同載上瀛洲
尊香白露嘗初薦
稻熟黃雲看早收
安得如公有元結
狂瀾今爲障東流

龍堂貝闕水仙家
夜色清寒曉轉加
淦々凍雲低草樹
娟娟晴雪照梅花
舊盟漚鳥依輕槳
新釣鱖魚出古槎
玉署詞人傳好句
絕勝圖與鳳池誇

題雪窻墨蘭爲湖廣都事李則文作

君家詩好錦袍仙
蘭雪清風故洒然
金地禪僧留妙墨
木

天學士寫新篇
香來筆底吳雲動
思入琴邊楚月懸
聖代即今深雨露
流芳千載逮君傳

南宮校文次韻馬在新授經二首

玉堂深鎖隔九塵
夜合庭前月色春
剪燭焚香雲滿卷
開簾吸茗雪盈巾
慚無清鑒酬明主
願重巍科得偉人
覓句喜陪王左轄
老儒曾是幕中賓

杏園飛鞚蹴芳塵
撚指而今四十春
辛苦向曾携綵筆
衰遲重比岸烏巾
丹成九轉雲籠鼎
燭盡三更月近人
多謝能詩趙主事
自調大呂和葵賓

送謝弘道福建理問豫章人

江東謝掾舊風流
十載艱虞此壯遊
節槩紅塵雙短劍
功

名滄海一歸舟粵王故國官梅早揚子新墳宿草秋君去
望鄉煩問訊可無高士重南州

送孔伯遜延平錄事

闕里諸孫聖代英作官去拜四先生雷霆入地溪聲合星
斗羅空劔氣明千載有傳文獻盛三年無事紀綱行薰風
荔子丹時後重待扶搖覲帝京

送鐵元剛檢歸三山

公子高昌世貴家佩懸明月弄飛霞仙方舊授壺公藥使
節新乘博望槎春暮日進榕換葉晝庭風細荔吹花烏臺
消息明年近驄馬金河踏軟沙

送趙文中南歸

憶飲黃山別酒時潁濱汴上復京師五千里外重來見三
十年中幾語離碧海釣鰲君特達紅塵騎馬我衰遲過家
遺老如相問大隱金門舊小兒

環翠樓爲危子繹作 樓在光澤縣鐵牛岡

新構清溪之上山天開盡翠迴環欄橫星漢高寒外坐
入烟嵐曉靄間衣桁暖生雲淪琴床清滴雨斑斑灑儒
風有樓居好歸欲從之結大還

挽朱彥實母韓氏

畫錦韓家有載餘清風猶及渡江初曾從夫貴膺金誥不
待兒歸奉繡輿墨暈帳昏秋閣冷錦文機斷夜窻虛儲山
好並瀧岡秀影管他年更大書

次張祭酒虛游軒雨後即事韻并憶揚州舊遊
墻角紅葵一丈開鷓鴣聲斷雨聲來兩鳴竹屋詩新就日
度花磚夢恰迴露蔓蝸行經午濕風枝蟬語近秋哀虛游
軒裏涼如水自玩春秋著玉杯
百年何處好懷開憶在揚州幾醉來落日放船穿柳過
風歌帽看花迴即今盡減尊前興憶舊寧堪笛裏哀一笑
廣文官飯窄論文那得酒盈杯

次韻李明舉御史貢院詩

白晝春雷起劔池魚龍爭奮應新期銀袍照日光唐典綉
斧生風肅漢儀願得群賢扶世治盡令四海轉春熙昔年
辛苦今衰白坐聽寒聲漏箭遲

次韻張祭酒新春詩

昕鼓聲遲日色曠鶴袍如霧擁橋門迎風栢葉翻雲影過
雨芹芽滴露痕謾倚三年博士席長懷百歲老人村吾宗
祭酒金盞客多謝新詩細與論

都城春日再次前韻

鄉雲絢綵捧晴暎春滿皇都十二門苑樹嫩黃烟着色官
溝微綠雪消痕秧分過社新鉞水麥種經秋秀被村顏見
年豐人飽飯廣文官冷底須論

送陳彥博編脩歸省

成誼叔在丞館賓左丞有積善齋

紫微老人積素翁有客毫端飛絳虹長吟北征窺柱子忽
跨東海遂任公高風析水浪波白初日搏桑天地紅錦袍

獨酌金鬚頂笑睨一粟浮盃中

我家神山海上海頭昔交先公三十秋幾年不歸父老憶萬里復送即君遊白魚青筍上親壽紫蠟黃花銷客愁明年老夫亦東耳草堂小結並滄洲

次韻成均春日荅潘述古博士

芳時雨露被恩榮六館英遊五百生揖退花邊分佩響譚餘松外度鍾鳴風微高閣牙籤動日靜深簾綠綺橫多羨材名潘騎省題詩紙貴滿春城

祭酒江先生見和再次前韻

先生稽古如桓榮老我憂時慚賈生六齋共掣碧海動孤鳳先覩朝陽鳴青春深院梧桐暗紅日高盤首宿橫誓將

絲毫効補袞長願盤石安維城

過郭州荅子烜和韻

以後七言律皆係庚辰年南歸作

擘破飛狐碧玉峯奔河似電出盧龍晴波落日金明滅遠樹寒烟翠疊重吟詩驥子新憐汝返哺烏雞獨愧儂溪上故廬何日掃故人携酒話奇曾

同王趙二明府岸行裏河濱

御河行盡一千里望入青齊樹際天野水飛鷗魚舍外關山歸鴈客帆前日明野氣浮層浪風動川光漾細煙客裏未能踈酒酸春來聊復費詩篇

過沛歌風亭

蒼梧帝逝薰絃絕千古三侯慷慨歌豐沛故鄉宜有感韓

彭猛士惜無多英雄老去臺空在
魂魄來歸意若何楚舞
尊前鴻鵠起大風幾動漢山河

與趙德明談丁仲容作此寄之

江左詩人丁叟在淮南木落看青山
尋僧野寺秋風去送
客溪船夜月還八口艱難新歎後
十年落魄醉吟間城南
郭泰能携酒得伴先生杖屨閑

沽頭

日上河隄歸興濃
閘頭南望見遥峯
春城草木浮元氣中
土園廬尚古風
桑眼科餘黃蠶之
菜苗挑出綠茸之
平生
性癖耽幽靜
擬築園茅淮水東

徐州霸王廟

長洪聲動楚山虛
太息彭城豈國餘
父老更堪秦暴虐
英雄空爲漢駟除
苔移玉帳蛛絲暗
柳繞黃樓鴈影踈
獨有
春風虞氏炒魂歸
爲汝一沾裾

范增墓

爲盜所發

鴻門已失秦天下
千載彭城恨滿襟
亭長空驚撞白壁中
郎還解摸黃金
乾坤不庇英雄骨
霜露誰爲怵惕心
獨有
彷彿塵垢外
穀城飛去白雲深

戲馬臺

項王築劉裕登

當時衣錦去關中
天地移歸隆準公
空使秦人悲故舊
更憐劉裕愧英雄
荒臺落日蜚鴻沒
春草連雲戲馬空
太息
重瞳千載少
艤舟不肯過江東

燕子樓

楊柳青之汴水流昔年歌舞侍君侯城頭落日鴉聲起樓上春風燕子愁黃壤詎能留富貴白雲無復夢溫柔更憐山下虞姬草煙雨年之恨未休

黃樓

蘇子徐州憂國疏丹心百載尚依之青山昔日黃樓在赤壁何年白鶴歸西絕峨眉那復得東還海道已相違羽衣吹笛人何處踈柳啼鴉自夕暉

呂梁洪

禹鑿猶存滌頰根彼蒼設險壯彭門山形奔過黃河怒水氣陰來白日昏賈客經營隨鴈集舟人祭祀識龍尊時平

四瀆無波浪笑指青帘買酒樽

邳州

輕帆飛度下邳城兩岸青山鷁首迎風約河聲歸海近雲低樹色傍淮平子房流落編書在玄德驅馳髀肉生欲弔古人無處問飛蝗過後鴈哀鳴

吳門懷古

曾見吳王歌舞時遺臺廢苑不勝悲春風鴈唳菰蒲葉夜月烏啼楊柳枝有客買舟尋范蠡無人穿塚近要離館娃宮外繁花發游女長歌白紵詞

過吳江州

已巳歲過此孔世平州判今在廣東

三高堂下綠蘋風十載維舟兩鬢蓬范蠡無書留越絕張

翰有夢到吳中雲開笠澤浮珠闕月出長橋動綵虹長憶
故人心斷絕五羊南去少飛鴻

錢塘懷古

荷花桂子不勝悲江介繁華異昔時天目山來孤鳳歇海
門潮去六龍移賈充誤世終無策庾信哀時尚有詞莫向
中原誇絕景西湖遺恨是西施是一作似

富陽南泊驟風雨

征夫直北厭風埃南下蒲帆此日開山遠蒼龍趨海去潮
喧鐵馬蹴江來雲昏白日林如失風約青天雨却迴短髮
相欺予漸老孤舟獨宿意難裁

烜次草萍壁間韻同作

浙東路入江東去酒醒籃輿幾處山桑柘葉光朝雨濕棠
梨花盡午風閑青雲在昔同攀桂紫氣如今獨度關只合
溪頭垂釣去故人多在紫宸班

七里下舟至松山州旁羅店

懷玉山前似葉舟卧看帆影晚悠悠雲飛黎嶺先南去水
匯鄱江倒北流烟堵白花迷晚蝶風林碧葉應啼鳩去年
此日隋隄柳馬首青々客正愁

過辛稼軒神道弔以詩

長嘯秋雲白日陰太行天黨氣瀟森英雄已盡中原淚臣
主元無北渡心年晚陰符仙蠹化夜寒雄劍老龍吟青山
萬折東流去春暮鶻啼宰樹林

題関上

黑崖削鐵立雲根絕頂東西石峙門兩戒山川分百粵八
州珠玉過中原曾峯煖日廻群鴈灌木高風嘯一旅藁爾
海隅民力困瀝肝誰為叩天關

過武夷

羽節霓旌蔽紫氛幔亭高宴武夷君虹橋一斷青冥隔天
樂多傳白晝聞岩掛玉機虛夜月洞函金骨煖春雲紫陽
見說今猶在拜乞刀圭儻汝分

至建陽文公宅里

河南夫子騎箕去建水重生蓋世翁昔日中原知侍講清
朝四海學文公山藏劔履人如玉壁出詩書氣若虹卜築

何時隣此地詠歸溪上舞雩風

建寧府雨中登玉清觀

雙溪南下綠灣環碧瓦參差細雨間水繞玉清來九曲雲
歸滄海近三山鐵獅晝伏聞鐘鼓白鶴宵飛認佩環欲結
紫霞塵外想不堪迴首近鄉関

宿大橋

橋畔人家水半扉題詩柱上十年歸青松落子風驚帽紫
棟吹花雨滿衣澗水遠隨楓樹去隴雲多傍笋輿飛舉頭
仰望長安日一箇啼猿響翠微

至瓜州

江流島嶼碧灣環兩岸樓臺掩靄間細雨春帆來楚峽還

天曉樹見吳山嵐光去鷺半明滅雲氣與鷗相往還欲訪
鄉僧心已倦十年爲客鬢毛斑

安南使者同時敏大夫登舟相訪獻詩述懷一首
就坐走筆次韻答之以紀一時盛事云

殿閣涼生雨霽秋

紫皇晨御翠雲裘仗移日轉雙龍闕詔下雲開五鳳樓英
籙熒煌頒授節羽旌雜遝擁鳴騶詞臣垂老斯遊壯風送
龍江萬里舟

再次韻答之是日微雨大風

五兩風高江上秋粵南使客木綿裘望雲舉酒思

京闕對雨裁詩倚拖樓燕語橋頭催去棹馬行果下待歸

騶到家爲說

天恩重早辦新春入貢舟

過小孤山

交趾江頭指壯遊小孤山下見新秋天鏡雙柱維南極海
作重門鑠上流使者星馳英籙節神妃風送錦帆舟來春
二月停歸棹好薦芳馨杜若洲

廣州贈同時敏

明詔金門天上開使人銅柱日南迴九江烟浪看廬阜五
嶺雲山過越臺嘉惠遠氓煩

聖慮宣風絕域仗奇材吾家博望風流在絕喜乘槎此日
來

南昌行省迺至驛舍同安南使宴于省廳參政京
口滕弘有詩次韻答之

緹騎傳呼出近郊
寵臨公館饋羔殺衰齡
愧選光華使盛
禮欣逢道義交
劍倚西風明左竹
旗開南霧導前茅
春歸江右重相見
欲結雲松此地巢

過南昌

平生未踏南昌土
垂老經過駕使輶
徐孺洲前花寂寂
滕王閣外草蕭蕭
瑤臺月墮鸞聲杳
鐵柱雲生蜃氣銷
獨喜西山青似舊
升平猶得見新朝

萬安邑令馮仲文家全椒與予舊識鮑仲華提舉
有瓜葛之好傾蓋情親
戀之有故人意君渡江舊

人有惠政得民心

萬安縣前小駐船
逢人盡說令君賢
風雲沛邑今幾載
冰雪魯山經五年
墨綬近民心樂易
綿袍贈我意纏綿
御屏風上書名姓
即見芝泥下日邊

舟中望贛州

虎頭城外水周遭
四望群峯湧翠濤
帶雨布帆隨去鳥
牽江黃帽接飛猱
清秋度嶺

君恩厚求夜還家
客夢勞欲問交州
何處是五羊南去
萬山高

贛州城下

番禺北下險秦嶠
章貢面邊近楚郊
五嶺氣來蒼霧合
雙

溪聲動玉虹交山郵傍岸多攢石野屋綠城半覆茅細雨
舟中無一事新詩吟就手重抄

南雄即事次牛士良韻

行盡梅關不見梅凌江南起畫屏開山連桂廣迢迢去水
合滇昌浩蕩來秋冷嶺雲收薄瘴時清溪雨應餘哀吾家
相國祠堂在明日臨風酌一盃

平圃驛中秋翫月用牛士良韻

平圃驛前端正月金鱗萬疊水光開婵娟幾見他鄉共老
大寧期此地來星漢夜搖旗影動江山秋入笛聲哀病夫
懶坐那禁酒喜者頻傾舉玉盃

舜廟詩次韻牛士良

蒼梧落日百靈悲韶石清風萬代思洪水一從咨禹後深
山幾見避秦時鳥耘歷々傳遺跡雞卜紛紛異俗祠白髮
舜弦峯下路老儒獨詠卿雲詩

峽山寺僧慧愚溪邀觀壁間舊題因誦宋廖知縣
一律有云猿棄玉環歸後洞犀拖金鎖占前灣予
謂其切實類唐許渾賦以繼之

瘴嶺風煙勢漸開喜尋筇竹步莓苔江環列嶂天中起峽
坼流泉地底迴靈鷲飛來蒼磴老怪猿啼去白雲哀軒轅
帝子應猶在爲奠南華茗一杯

廣州贈溫陵龔景清鄉人

家住三神海上峯秋風同聽禁城鍾離居自喜鄉音好別

去長悲客意重雙鯉水寒難遠寄五羊城晚忽相逢來春
此地重携手共采仙蒲花紫茸

封川縣次韻典簿牛士良

記取今年重九日封川水驛掛帆過秋風嶺外黃花少暮
雨尊前白髮多起接野僧談梵典卧聽溪子和蠻歌少游
歎段成何事至竟男兒是伏波

梧州即景

蒼梧南去近天涯六士三陳昔此家水合泮江通漲海山
來挂嶺接長沙祥光夜認司空劍爽氣秋迎博望槎擬欲
朗吟亭上客春風歸看碧桃花

先生自註劍光乃漢趙佗埋劍之所司空
張華博望使張騫皆吾家故事人借用之

烏岩灘馬伏波祠

烏岩江上古祠宮傳是征南矍鑠翁丹荔黃蕉長盛祭綠
沉金鎖尚英風灘聲夜帶軍聲壯嵐氣秋隨劍氣空莫羨
少游鄉里好封侯廟食丈夫雄

次韻士良子毅登雷破岩劉大王廟唱酬

紙掛高枝濕暝烟乞靈多是往來船雷轟古石猶遺跡雨
濕荒祠不記年護羽翠禽低隱竹搖花白葦遠粘天封侯
萬里吾今老早辦扁舟別計然

立冬舟中即事

一灘一灘復一灘輕舟盪槳上曾湍三秋嶺外雨全少十
月邕南天未寒露岸葦花明白羽風林橘子動金丸如何
連夜還鄉夢不怕關山行路難

我家溪上白柴扉久別見時舊釣磯兵後故廬悲茂草亭
中慈母念單衣千年汗竹何多錯萬里浮萍未暫歸佇立
悲風揮血淚此身元不爲輕肥

龍州荅迎接官何符

帝念南邦遠貢琛頒封特遣老臣臨皇華諮度尊
君命炎微淹留豈我心人日預占晴景好使星還照瘴雲
深暫分莫洒臨岐淚頭上青天見素襟

又荅請命官阮士儕

使星南照破曾陰咫尺

天威儼若臨銅柱迴看雙白鬢舩稜仰望寸丹心我留亭
到雲霄迥子去

恩雨露深到日鍾山煩一問清溪何日濯煩襟

又荅

白髮飄蕭老翰林故鄉長憶越山陰客程牛渚星槎遠吟
思龍江烟浪深多子出疆迎籩節顧予爲國抱葵心行看
洱水堤邊柳滿馬春風拂醉吟

次韻羅復仁編脩

棹歌聲起洱河濱君着先鞭我後塵山上安山猶遠使客
中送客是愁人心隨初日葵花轉眼看薰風荔子新細數
歸期同把酒龍江梅信定先春

情事未申視息宇內劬勞之旦哀痛倍深悲歌以
繼慟哭所謂情見乎辭云爾呈閣初陽天使牛士

良典簿

一身絕域已淒然三處離居更可憐中歲恨孤蓬矢志暮

齡忍誦蓼莪篇愁深鳶墮蠻溪外夢斷鶻啼宰樹邊悔不

阿奴長在側盡情家祭過年先生自註云老親未即土

在金陵皆貧困一子與婦在松江與安南為四鄰何以堪此境也

予少年磊隗負氣誦稼軒辛先生鬱孤臺舊賦善

薩蠻嘗慨然流涕歲庚辰過鈇山先生神道前有

詩云云見南歸紀行藁後會贛州黃教授請賦鬱

孤臺詩復作近体八句亡其舊藁因念功名制於

數定材傑例與時乖自昔不遇若先生者蓋亦多

矣然猶惜其未能知時審已恬於靜退幾以斜陽

烟柳之詞陷於種豆南山之禍今二十九年矣舟

過是臺細雨閉蓬靜坐忽憶舊詩因錄于此見百

念灰冷哀老甚矣云

鬱孤臺前雙玉虹一盃遥此酌英雄風雲有恨古人老云

地無情流水東精衛飛沉滄海上鷓鴣啼斷晚山中清江

不管人間事烟雨年々屬釣翁

安南即景

刺竹岡頭過亂村白藤渡口出平原雲南嶺盡江光合林

邑潮通海氣暉綠舞稻苗風剪々青肥梅子雨昏々炎方

風物新春異吟罷長歌擊酒尊洪武二年三年所作律詩此

七言律詩物體

次韻安慶汪仲暹超然亭

超然之亭舒水上絕景廼得天公偏石柱秋開金盞落星
河夜落玉觥船獨騎麒麟上倒景下視螻蟻空飛烟舞雪
人去忽千古令我望之心惘然

送李叔成遊茅山

山頭丹光湧日紅不盡幡幢來碧空李白獨騎一赤鯁
君導汝雙青童纖雲上衣榭葉雨墜雪撲帽松花風仙人
笑指海水落相約蓬萊之上宮

竹軒

門外紅塵一丈深開門碧霧秋陰之十年對雪守漢節三
月不肉聞韶音風高常與鶴同夢雨作或聽龍一吟淮南

大隱人所羨令我不樂思故林

平野

北來群山亦已無曠望元氣春糝糊雲低不斷滄海去樹
遠欲盡青天俱何人曾吞九雲夢尚恨水有三蓬壺巨靈
不爲鏡疊嶂長使詩人心鬱紆

雪石

峨眉之西古時雪削玉娟之嵌太空山川只今留夜月草
木爲爾回春風閉門洛下謝過客授簡梁園米老翁梅花
滿樹百壺酒我欲枕石於其中

泊龜山

詩中之景指洪澤屯也

白波混濛青天垂我行但覺官船遲微之樹短水盡處慘

慘日薄風來時
椎牛掛席打塩客
射鴨鳴弓踏浪兒
漫郎頭白不稱意
沽酒龜山歌竹枝

自挽

按先生生于元辛丑終于安南洪武三年五月四日也臨終自作此詩是日而逝蓋享年七十矣

一世窮愁老翰林
南歸旅櫬越山岑
覆身粗有黔婁被
垂橐都無陸賈金
稚子啼飢憂未艾
慈親藁葬痛尤深
經過相識如相問
莫忘徐君掛劍心

五月十三夜夢侍讀先生枕上成詩

牛諒

翰林典簿

出使艱虞萬里同
歸期日待秋風寧
知永訣蠻江上
才得相逢客夢中
岸幘尚看頭似雪
掀髯猶覺氣如虹
起來投淚憑欄久
落月啼鶯遶殯宮

七言長律

濟南寓公程鵬翼耀彩亭

濟南山水似江南
耀彩亭前綠滿潭
萬柄高荷風娜々
兩行弱柳露漙々
絳綃仙子籠新浴
翠蓋佳人倚半酣
色靜每於心獨契
香清長許鼻先參
剪筒瀉酒留人醉
採葯分茶與客談
風景不殊時事異
即令看畫意何堪

分韻得覃字送中丞張叔靜之西臺

西臺執法雪盈簪
奉詔之官駕兩駝
玉節秋霜飛渭北
錦衣晝日照終南
道迎背檢遺民集
庭列腰刀大將參
花外小車行處好
棠邊菱舍種來甘
清時有象今重見
聖澤無私正遠覃
莫憶山中黃石約
五雲天上近台三

送林崇高廣西都事

清江材子請長纓風雨南荆萬里行組甲夜馳豹虎窟昂
書朝奏鳳凰城公車已見登臣樂幕府旋聞用子荆照海
錦帆津吏報轟山銅鼓峒人迎檄來篁竹霜都靜詩到梅
花雪共清上日桂林延父老爲言折木蒸堦平

中書右司提控秋霽軒

西山收雨紫堦我爽氣如秋右掖多省樹靜移雲影度官
簾徐轉日華過粉闈寓宿青綾被黃閣朝隨白玉珂團靜
雞竿稀布令邊清虎革漸包戈盛時三語俱材掾休日相
從足雅歌紅藥紫薇春信近更吹新律作陽和

五言絕句

泊十八里塘

繫舟古柳根一犬吠柴門欲記詩成夜問人何處村

渡江

幾載途中月窺愁酒半酣送人揚柳色今日是江南

題道士青山白雲圖

仙館白雲封青山第幾重道人時化鶴巢向最高松
長愛青山好行入翠微今朝山頂上下看白雲飛
行到溪源盡青山無俗氛道人拈鐵笛吹起滿川雲
只道溪源盡遙聞鍾磬音却尋流水去行盡白雲深
雲氣曉來濃前山失數峯道人夜作雨呼起碧潭龍

林秋紅樹出溪曉白雲多此景江南有江南今若何
賀李孟函中丞壽四絕

十日書雲後窻中影漸長好將五色綿為補舜衣裳
春信到琴邊聲成意已傳須裁太古曲天上和虞絃
清曉寫詩成飛英點玉觥為傳梅信好聞早入調羹
暖到牙籤早芸香已報春鳳毛新可喜臨得晉書真

次張仲舉祭酒詠花

槐花

黃露結青枝風吹散秋雪憶昨馬嘶忙壯年心未徹

葵花

日出赤城霞瑤臺宴萬花酒闌朝絳節整々復斜々

水紅花

穗長仍葉密紅粟綴枝鮮種秫今年熟相將買酒船

木槿花

朝昏看開落一笑小窻中別種蟠桃子千年一度紅

玉簪花

月女烏雲滑瑤笄墜許長花神藏不得清露一簫香

和拜明善韻并序

翰林都事康里拜君文善以貴介之曾嗜學攻詩與
寒士角其能歲嘉平月十八日文善携二詩過予明
時里之寓軒時雪新霽微月在空誦詩再三過命酒
四五行脩然覺人世塵土俱空因念天壤間清致喜

不可多遇昔人有月夜泛渚雪夜訪戴者不知視今
茲爲何如也遂次韻爲四首備他日佳話云

聽雪裁詩就詩將雪共清不緣心境淨那解聽無聲
雪裏寔然至人間無此清瑤田今夜鶴下聽誦詩聲
憶踏江南雪看梅領好春酒醒燕月白惆悵未歸人
竹樹庭前雪松花瓦面春徘徊今夜月應是爲詩人

太和縣

曉掛船窓看蒼茫暝色分前山知有雨流出滿江雲

揚州廣城店

潮落邦江夜先將夢到家揚州無賴月獨自照瓊花

七言絕句

題月落潮生圖

參橫天末樹陰收風響蘆根海氣浮笑語漸聞燈漸近誰
家江上早歸舟

雨中縱筆書悶

飄零不柰木腸何錦字淒涼鴈字過猶有思親千點淚秋
來較似雨痕多

題顧善道山水

洲前老樹似人立岩際頽雲如水流夢著滄江歸未得醉
來渾欲上扁舟

題崔元初醉翁圖

春雲石上蒼苔冷芭蕉風動綸巾影仙翁醉著人自扶花
落花開幾時醒

題小景

雀啣江頭秋稻花顛風吹柳一行斜漁舟細雨獨歸去白
石滄江何處家

同徐元徵錢德元酒邊即席題壁間山水

白雲垂柳露氈氈聽徹金雞月滿潭千里汴堤塵拍面
從淮左過江南

題桃花圖

溪上桃花春可憐赤欄橋畔憶遊仙若爲飽喫胡麻飯
看
到三千結實年

書所見

浦外青山浪作堆淡雲將雨送秋來停舟荻岸西風裏
閑
愛野花無數開

題扇

陰之古木精靈語慘之長風蜃鷗驕有客扁舟秋睡起
笑
看滄海月明朝

衢州詠爛柯山效宋體二首

人說仙家日月遲仙家日月轉堪悲誰將百歲人間樂
只
換山中一局碁

洞裏仙人笑客癡斧柯爛却忘歸時人間宇宙無窮事
只
似山中一局碁

憶六合

江北淮南三月時水烟漠漠柳絲好花一夜霜都落却
是春風總未知

題畫猫

綉茵睡起飽溪鮮半卧閑庭日靜前憶在牡丹花下見雙
睛一線午晴天

題畫白頭公二首

日暖花開海上洲飛來青鳥話閑愁三生莫為多情煞惹
得春風白了頭
蜀魄啼時清血流斷雲荒樹不堪愁山禽不管人間事也
向春風自白頭

題錢唐春遊卷

銀鞍白馬少年遊十里朱簾上玉鉤為問別來新柳色春
風得似舊杭州

戲作杭州歌二首

吳姬鮑冠望若空淚粧眼角暈嬌紅染得羅裙好顏色西
湖新柳綠春風
西陵渡口潮水平十之五之發舟行樓中燕子慣見客不
怕渡頭津鼓聲

存慈堂卷

存慈堂前種杏家絳光夜之發丹砂別來為問揚州月開
到春風幾度花

浙江亭沙漲十里

重到錢唐異昔時潮頭東擊遠洲移人間莫住三千歲滄海桑田幾許悲

灤陽道中次韻李伯貞中丞李孟幽參政一首

六騎官馬取長途為愛佳山每緩驅剪剪水風牽草帶踈踈沙雨長松鬚

杏園飛鞚忝同途天驥羸驂不並驅曉起灤陽成獨笑燕

霜渾白少年鬚

王叔周山水圖

重疊之水南峯五之三石上松釣艇恰歸春雨至草亭猶自白雲封

浙江潮圖

浙江亭下彩舟開雪滿青天白晝雷聞說祇今亭上月夜寒長照暗潮來

雲岩詩為傅元剛題

千岩翠色曉紛紛遠樹微茫路不分應是林端飛瀑布春風吹作滿川雲

劉元初桂花圖

醉上淮山喚八公白鷺騎到廣寒宮滿身香露銖衣濕十二瑤臺月正中

二馬圖

草軟沙平日暖天相摩相倚寂相憐無端走上長楸道噴

玉爭先制掌電邊

錢舜舉畫

紫茄

江南垣裏紫彭亨粟致錢郎巧寫生憶得故園秋雨過新
炊初熟飯香粳

絲瓜

黃花翠蔓子纍纍寫出西風雨一籬愁絕客懷渾怕見老
來萬縷足秋思

次翰林都事拜住春日見寄韻

日高睡起小窓明飛絮遊絲弄晝晴忽憶金河年少夢柳
陰騎馬聽流鶯

墨蘭為湛然上人題

雲林蒼石齒一花兩花幽薄底遠香自到定中來道
入湛然心不起

和同年馬仲舉詠文韻四首

斯文萬古日當中偕續遺經恐未公辛苦河汾亭上叟將
琴直欲和南風

妖香冶艷底須誇絕好姚黃魏紫家一種天然清水上愛
花須讓愛蓮花

風月庭前草色春魯東門後一儒真圖書古奧遺經似愧
殺辛勤倒學人

聽着帝鵲早憐神談經那復昔儒醇黃茅白蒿秋風急曾

與夷門起戰塵

題北山蘭蕙同芳圖

秋露春風各自妍幽香併到兩華前道人不是騷愁客慣讀南華第二篇

題雪窻蘭蕙同芳圖

春來騷意滿江干轉蕙光風更泛蘭睡起老禪閑一咲月明香雪竹窻寒

題李文則畫

陸羽烹茶

閱罷茶經坐石苔惠山新汲入瓷杯高人慣識人間味咲看江心取水來

蘇公赤壁

赤壁江寒葉漸稀黃泥坂靜露斜飛洞簫聲裏當時月應照十年化鶴歸

淵明送酒

五柳門前秋葉衰南山佳氣滿東籬白衣人到黃花外正是先生送酒時

逸少蘭亭

蘭亭佳處憶曾過已較前人感慨多脩竹茂林今在否畫中一看意如何

題邊魯生墨竹為汪大雅

白沙舊遊邊魯生鳳城今識汪大雅忽見此君如故人滿

室清風共瀟灑

題畫

棠梨幽鳥

揚州舊夢隔天涯
曾醉春風阿那家
幽鳥豈知人事恨
依然啼殺野棠花

梨花錦鳩

一枝新雨帶啼鳩
喚起春寒枝上頭
說與朝來啼太苦
洗粧纔了不禁愁

次韻廉公亮承旨夏日即事六首

金杯綠酒薦菖陽
玉手輕調雪盃涼
猶憶舊家重午宴
叙頭符綴鳳雙翔

葵花向日獻紅芳
不見隨風柳絮狂
睡起竹窻清似水
胡床獨坐午陰涼

柴門細雨曉慵開
綠樹陰籠一徑苔
老子眼花今日較
起尋枸杞點茶盃

盡情好鳥隔窻呼
墻角新苔上酒壺
却羨承平無箇事
看花醪酌老堯夫

文章閣老舊名門
玉署清閑醒夢魂
應憶廉園花似海
朝回會客酒千尊

翠屏山水清冷茅
屋荒苔綠滿庭
不是不歸未得移
文誰與謝山靈

夜過陵州

河隄月上水迢迢，卧聽陵州夜渡橋。腸斷江南二三月，落花蝴蝶上蘭橈。

東昌

煖日初抽宿麥芽，東風吹草綠平沙。江南開老春多少，二月東昌見杏花。

梁山灤

風正吳檣去不牽，雪融汶水綠堪憐。菰蒲渺渺官爲市，楊柳青青客上船。

泊沽頭

楚客歸心河水流，三更月暈長年愁。沙河雨漲催開閘，半夜槽聲無數舟。

邵伯鎮

廣陵此去無多地，煙柳堤邊一萬家。已有小舟賣新藕，便思携酒看瓊花。

揚州

誤喜維揚是故鄉，故鄉南去越山長。越山三月花如海，倚門應說到維揚。

過觀州悼阿仲深狀元

麒麟墮地天不惜，流落荒郊魯叟悲。白髮杜陵憂國淚，臨風獨詠八哀詩。

聞同年劉子實盧可及訃

江湖菰蔣岸，莓苔贈戈如雲。鴻鴈哀麟鳳，半歸天上去。玉

京群帝獨憐才

道中

花飛芳樹碧氈、已過西湖三月三草、青帘入買酒常
州北畔似淮南

子烜買紅酒

吳江紅酒紅如霞憶着故園桃正花羊角山前幾廻醉女
髮嗔汝未還家

嘉興有感陸宣公事

官家忘却奉天時歲晚忠州兩鬢絲今日北來車馬客夕
陽祠下讀殘碑

夜泊零浦

零浦四更潮已平蕩舟月落唱歌聲山中應是夜來雨流
出落花春水生

過桐廬

江邊三月草凄凄綠樹蒼煙望欲迷細雨孤帆春睡起青
山兩岸畫眉啼

宿新站

銀漢迢迢白露盈錦屏只尺隔深情溪風夜冷鴛鴦起獨
自推篷看月生

玉山縣店見壁間黃山林獻可詩次韻

淮水風高鴈影微澄江潮細鯉魚稀客愁正怯江東雨花
落青林聞棹歸

宿南嶺書二首

綠竹月明客夜行
青山雨過人春耕
閩中富庶天下少
千里山川東錦城

今朝初聽鄉人語
八載淮南此日迴
江東白酒不醉客
為渠歡喜盡殘盃

過崇安宿赤石水澁不下舟

兩岸青山下建溪
筍輿輒之坐雞棲
人間最是吳兒樂
一枕清風過浙西

科舉以滯選法報罷士無有為錢若水者何也予
於膠西張起原坐上聞此語悚然予獲戾甲戌冬
而乙亥科舉罷徒抱耿之進退跋躑此古昔有志

之士所以仰天淚盡者也感胡永文事賦并八字

九我同志當為憮然

竹實離之紫海春高飛
鸞鳳出風塵哀鴻不作青冥想
空

向江湖怨戈人

到建寧贈星者蘇金臺
庚辰年所作止此

博望乘槎斗牛去
蜀莊簾下獨沉冥
金臺五緯光聯壁
何

處江湖有客星

南京早發

大隱金門三十載
壯懷中夜每聞雞
今朝一吐虹霓氣
萬

里交州入馬蹄
先生自註云蘇老泉云丈夫不得為將得為使折衝萬里外足矣

晚泊石頭城下明日發龍江

江口帆開五兩飛海門遙望樹依微若爲得似千年鶴東
向三神島上歸

過大聖港新河口

佳氣籠葱紫翠間人家百萬繞鍾山新河亦以知形勢流
入龍江第一閑

蕪湖

忠臣解體將離心一鼓蕪湖九鼎沉遺老尚談前宋事惜
無人解說王琳

泊月子河望三山

三山仙島隔歸期長夜京華夢見之明發開帆成誤喜青
天三點見峨眉

焦磯廟

碧殿紅櫺翠浪間江風縹渺動烟鬟神雞不逐雲中去啼
殺清秋月滿山

過采石

重過峨眉訪舊遊三山無恙水東流若爲喚起青蓮客共
醉西風亭上秋

天塹西邊牛渚磯燃犀誰敢照朱衣而今蘆葉平如掌薄
暮漁童買酒歸

月子河阻風

溇江萬里此朝東入貢舟航四海同明代百神都受職爲
言休作石尤風

有感

馬首桓州又懿州朔風秋冷黑貂裘可憐吹得頭如雪更
上安南萬里舟

為舟人萬氏題象圖

雪白雙牙雲滿身日南萬里真來馴速方奇物真堪畫却
是中州有鳳麟

舟中望廬山

重過廬山三十秋西風催送上湖舟若為借得仙人鶴飛
到香爐峰頂頭
老無傑句對廬山紫翠遇看霄漢間羨殺倒騎牛背客買
田長占落星灣

過臨江望閣皂山

閣皂山青瑣夕霏仙翁舊館尚依稀歸來倘似遼東鶴愁
殺千年老令威

懷故人鄧南臯

夕陽獨立楚江邊不見南臯二十年欲寄平安無處問津
頭風急起官船

遇故人胡居敬臨江府送至新淦

共酌簷花細雨前凄然重見此江邊停舟莫怪難為別能
幾人生二十年

翠竹蒼松映白沙清江西畔是君家明年歸路重相問分
食東陵五色瓜

蚤逐浮榮老未歸，便歸生事已全非。
人生只合藏名姓，白首青山一布衣。

過臨江

懷劉原父孔文仲諸賢

江右流芳墨作莊，氣雄文古壓歐王。
平生却爲多稽古，憂殺平南狄武襄。

二賢江右起聯翩，洙泗支流迥有傳。
聞說九京英爽在，臺章深悔到伊川。

吉水縣違新淦二十里，濱江一帶皆丹山。
無草木

因憶予鄉云

文江佳處似吾家，碧水丹山映白沙。
誤喜霞洲歸路近，不知南去尚天涯。

安南使令上頭翰林校書阮法獻詩四絕次韻

封王賜印出天家，授

旨臨軒遣使華，遙想南交迎詔日，望雲群拜六龍車。

窮髮雕題已一家，日南使者覲京華。

君王親校燕山籍，駕出金根白象車。

騎馬成行醉插花

天恩賜宴賞材華，知君無限傾葵意，長向南邊望日車。

十行天詔出江關，百尺雲帆下碧灣。
慚愧風姨聽帝令，雲

時天外過三山

銅柱南邊石作關，海門鎮外碧成灣。
喜君心似朝宗水，直

過千重萬疊山

小孤廟下海門關五老峰前星子灣多君萬里斯遊壯看
到東南第一山

來時四蜀三韓使奉表遙同馬若飛歸到安南應該與
皇恩天覆萬方歸

四十餘年金榜客玉堂人詫筆如飛

君三親重儒臣選肯受南方一物歸

十月南荒暑氣微汭河驛外葉初飛遙知夾岸人爭看入
貢中朝使者歸

秋風吹海送仙槎夜色新涼曉轉加歸日阮郎應一笑小
春洞裏又桃花

安子山前使者家桃柳椰葉翠交加知君來歲重脩貢飽

看皇都二月花

乘輶萬里已忘家客思逢秋陡倍加大庾嶺邊東去近惜
無驛使寄梅花

予已丑夏辭家客燕二十年江南風景往々畫中
見之戊申冬來南京今年六月二十九日奉

旨使安南長途秋熱年衰神憊氣鬱不舒舟抵太
和舟中睡起烟雨空濛秋意滿江宛然畫中所見
埃壘爲之一空漫成二絕以志之時已酉七月二
十四日也

風飄萬點濕秋雲萬葉涼聲睡起聞翻憶東華衣上汗向
人揮作雨紛紛

家住翠屏溪上頭
思尊空結半生愁
今朝初洗紅塵夢
烟雨西江滿意秋

舟中觀物憶亡兒烜

誤我虛名已白頭
可憐望汝紹箕裘
烏牛舐犢斜陽裏
忽見潸然老淚流

海內名人儘望渠
豈知意廣却才踈
老來只願兒癡鈍
解種先疇讀父書

別時叮囑忍能忘
憶着潺湲淚萬行
復恐老年悲太甚
痛來無奈罵踈狂

草深北嶺暗寒烟
白骨無人瘞九泉
留得虛名詩滿篋
可憐亂後落誰邊

二十七日晚到萬安縣
今馮仲文來問勞翌日
登岸觀故宋賈相秋壑所居故址
左城隍祠右社稷壇中為龍溪書院
其後二喬木鬱然云賈相生于此
書院舊甚盛田多於邑學今歸之官
獨舊屋前後二間中存先聖燕居像
左四公木主徘徊久之當宋季年君臣將相皆非氣運方興者敵襄樊無策可救江左人材眇然無可為者譬之奕者不勝其偶無局不敗是時有識者為崔菊坡葉西麓無已則為文山李肯齋可也而癡頑已甚貪冒富貴國亡家喪為千載罵笑而刻舟求劍者乃區區議其瑣之陳迹悲夫因賦二絕如罪其羈留信

使之類皆欲加之罪之辭也

木綿庵畔瘴雲愁，猶恋湖山一壑秋。
從道黃梁俱一夢，幾人解上五湖舟。

顏垣葛嶺草烟中，富貴薰天一霎空。
惟有西江精舍舊，至今猶是素王宮。

夜聞雨

田家望雨今年少，水驛逢秋夜半聞。
更喜朝來晴未穩，山頭着帽盡生雲。

南康驛丞王珪文玉嘗逮事故郎中顏希古求詩

為走筆書一絕

芙蓉江上曉維舟，雨洗波光碧玉秋。
來歲維舟應憶汝，春

風杜若滿芳洲

晚到韶州

雲斷蒼梧隔九疑，九成臺畔草離離。
山中不是無韶石，千載何由起后夔。

帝舜廟

姚江禹穴會稽東，少日登臨一夢中。
白髮南來身萬里，欲登韶石和薰風。

張文獻祠

兒時長誦八哀詩，遺誥相傳自昔時。
空料白頭祠下拜，曲江烟雨讀唐碑。

余襄公祠

名在東京四諫官曲江日照寸心丹只今遺廟年々祭可
是功名久遠者

發廣州

照海紅旗送使舟鳴笳伐鼓過炎州斯遊少吐平生氣巨
浪長風萬里秋

題畫馬

滿身雲濕出滇河九折羊腸抹電過天旆飛龍今百萬儘
渠飽卧夕陽坡

代簡周幹臣廣東叅政二首

馬人龍戶集衙時篁竹風清化日遲海角亭中官事了畫
簾小草寫新詩

眼昏頭白尚天涯恋

關心勞不憶家何日五羊江上驛一尊同對刺桐花

代簡楊希武右丞安南驛書懷二首

荔枝花發雨蕭々睡起春江又早潮長憶午門紅日上

聖恩寬許紫宸朝

花滿皇州春尚寒天香縹緲五雲端遙應夜々觚稜月照
見臣心一寸丹

廣東省郎觀子毅翻々佳公子也讀書能詩甚閑
於禮以省命輔予安南之行雅相敬禮予暫留龍
江君與士良典簿先造其國正辭嚴色大張吾軍
今子毅北轍而予南轅家貧旅久復送將歸深有

不釋然者口占絕句四首以贈詩不暇工情見乎
辭云爾

江頭一別兩躊躇半載相從千里餘君白鬚老夫猶絕域羨
為頻寄幾封書

東原典簿好斯文能賦能言更有君白髮老夫猶絕域羨
君歸去上青雲

道傍逐騎走纒紛旗旆飛揚鼓角聞到處聚觀天使貴老
儒何以報吾

君

閩山灌木翳先廬七十炎荒更久居君倘朝京煩一問老
妻弱子近何如

予以使事留滯安南安南人費安朗以隱宮給事
其國親貴近臣家老而弥謹預於館人之役朝夕
奉事甚勤拜求作詩懇至再四口占二絕予之一
以志予念鄉之感一以對景自釋焉

抱珥江邊春水流遠從東海過吾州若為寄得雙魚去直
到玉灘溪上頭

拍、鳥鷗睡滿河鯉魚翻子跳晴波怪來天上乘槎客將
到春風有許多先生自註云昔蘇長公云齊魯大臣失其名而黃四娘乃以杜子美詩傳於世不知予詩之果傳乎否也漫書以為一笑

代簡廣西叅政劉允中

五嶺宜人獨桂林梅花雪片一冬深遙知華省文書暇飽
看奇峰碧玉簪

蚤雨蠻烟嶺外州乘槎何事此淹留龍江風土差高爽衰
老天教一壯遊

論詩

富貴辭夸柰俗何清虛趣勝亦詩魔白雲瑤草紅塵外終
勝黃鶯綠柳多

詞

江神子送醫官石仲銘攝邵伯鎮巡檢得代

謝公埭上綠成圍棟花飛子規啼簇、弓刀白馬擁騎嘶
一樹棠梨開透也春正好又分携 草萋、望中迷衣錦
歸歟家在海雲西種杏明年功又滿還捧詔上金闈

廣州市治南漢主劉鋹故宮鐵鑄四柱猶存周覽

嘆息之餘夜泊三江口夢中作一詞覺而忘之但
記二句云千古興亡多少恨摠付潮回去因隳括
為明月生南浦一闋云

海角亭前秋草路榕葉風清吹散蠻烟霧一笑英雄曾割
據癡兒却被潘郎誤。寶氣銷沉無覓處鮮暈猶殘鐵鑄
遺宮柱千古興亡知幾度海門依舊潮來去

先師張先生

三山之古田人幼而聰慧長

而博學未壯登李黼榜進士第與其同年黃子肅
江學庭諸老俱有聲當代而先生之名尤著宦途
中厄留滯江淮光霽獲從之遊昕夕聆誨為益不
少素欲壽其遺藁以報萬一近罹故散逸罕存

僅得其雜詩百篇姑錄諸棗餘俟求之次第刊行
非止是而已也時

洪武庚午二月初吉國子監博士淮南石光霽拜
拜謹書

翠屏集卷之二

